



鈴山堂集卷第十三目錄

詩

元會

齋夜二首

人日同鄉宴集

官保顧公吏侍張公被命校文僕承乏禮曹知

貢舉顧公有詩紀遇志感余嗣和焉

四月八日欽蒙於長陵召對恭紀二絕

祇役戚園覽遊西山寺

平坡寺

金華集 卷三
寓宿碧雲寺

香山寺來青軒

九日南內召對

奉命視牲

奉勅充知大禮上冊使

書事十三絕

奉和桂翁郊壇喜晴 奉天殿捧詔

歲除日省中晚歸

除夕家宴

元旦賜酒饌

是歲予賤生六十甲子矣感遇述情而作
禮部舊無朝房予疏請命工曹特建適春祀齋

宿簡張蔡二寅丈

扈蹕紀 賜十九首

中丞顧公寄詩次韻答之

賀序翁新第落成

賀桂翁新第落成

冬夜宴別彭太史使楚

春日偶成

贈陳子器

符子太僕出守韶郡賦贈

贈王太常之南京

奉和桂翁閣蓮六花之作

儼山學士以漆鏤八仙盤見贈用韻奉謝

奉酬儼山角川二學士同年

鈴山堂集卷第十三

詩 南宮橐

升菴楊慎評點

元會二首 戊戌

正元鐘鼓動長安率土朝天若會湍瑞氣先浮百子
殿晴光欲上五辛盤梅風應律韶年麗部屋迎陽聖
澤寬先向御簾陳賀表繆司邦禮備春官

紫宸樓閣霧中看寶扇龍旗拂曙寒燕律吹葭錢冰
雪漢庭鳴玉引鵷鸞身當奏對瞻天近世際雍熙報
主難虹渚七迴逢大慶萬方嵩祝一聲歡 時皇第
七子生

齋夜二首

玉漏南宮夜星河迥寂寥輝輝庭雪積冉冉樹烟銷
大禮嚴 皇諭清齋肅署寮 聖躬傳勿藥凝思睇
丹霄

入院烟霜暝開牕栢檜深地嚴知俗遣夜久覺寒侵
禮樂逢 明主乾坤抱寸心擁書清不寐風鶴送餘
音

人日同鄉宴集

此日舊傳人共得小堂初喜客相過椒觴栢葉修春
酌錦瑟銀箏起夜歌萬井煙花芳節好百年桑梓故

情多正逢休沐堪乘輿暫駐燈前白玉珂

官保顧公吏侍張公被命校文僕承乏禮曹知

貢舉予三人者弘治乙丑同年進士也 孝

皇賜第距今三十有四年矣顧公有詩紀遇

志感余嗣和焉

三十年前戰藝場最榮今日共春堂恩霑醴宴花明
席詔鎖文闈棘遶墻閱盡沙金知力健坐闌宮燭覺
宵長鳳池老手夔龍望蚤見華蟲補舜裳

射策當年獨擅場偶慚踈朽亦升堂親承賜第臨軒
陛謾逐看花過死墻晨鏡照霜華髮改晚葵傾日赤

心長 泰園春草年年綠拭淚瞻天憶袞裳

四月八日欽蒙於 長陵殿門左召對

陵殿東頭御幄垂爐烟高拂午松枝中官呼召黃袍
坐此是新承顧問時

龍幄近瞻顏咫尺玉音親聽語分明不知何幸紆
皇眷無限依依犬馬情

祇役戚園覽遊西山諸寺

東峯西崦鳴鍾近寶刹珠林處處來松逕駐驂僧吹
發石谿流葉寺門開始驚鳥道看難到漸入雲根興
轉催年去尚嗟筋力在夕陽重上最高臺

平坡寺在西山之巔境甚竒峻攀磴而陟俯眎

萬壑予爲禮侍一至今十年矣

入門雙樹欲參天爲禮雲峯一爽然長向省曹迷簿
領忍令心賞負風烟靜聞經梵千林上徙倚蒼茫獨
鳥前再入南宮容鬢改山僧猶記昔遊年

寓宿碧雲寺

樓閣盤蒼巘香燈隱翠微竹間泉溜發臨賞澹忘歸
立沼窺魚泳俯檻見雲飛一向巖中宿蓬心自覺非
香山寺來青軒題

再到層軒坐諸峰盡若迎勁風山木振初日殿鴉鳴

金川堂集 卷三詩 三
澄廓邀殊觀高閭寄遠情惜無謝客賞况乃趣王程
九日南內召對

重華宮中翠輦來翔鳳樓前彩仗回正是傳宣當九
日賜醪全勝菊花杯

奉命視牲

觀闕層城峻郊宮複道開市烟當樹合炬火逐塵來
牲帖犧人報騶聲騎士催夜歸題笏記候曉奏蓬萊
奉勅充知大禮上冊使連日召對 玄極殿

精一堂 文華西室恭紀一首

親勞御筆題宗伯幸際昌期待 聖人朝發玉書傳

近弼夜燔蒼璧助精禋園丘扈蹕天行肅溫室承顏
晝接親無涯莫報乾坤賜匪懈真忘夙夜身

書事十三絕

爐香拂座月窺簷帶玉袍緋列貴闈為報四臣宣已
至近前輕揭翠旃簾

南郊冊禮是新儀 聖主從容得面咨一一榻前親
指授却教傳與太常知

玄極紅雲捧帝居天牌新製煥金書肇成大享稱嚴
配典禮分明復古初

丹陛前頭催設位祠官祝幣列參差我 皇肇舉無

前禮親率諸臣演大儀

堂開精一連皇極閣名寶閣金題入紫烟自是鈞天難

可到幾回身侍 玉皇邊

百子螽斯望接連二宮名皇家胤嗣本縣延行從毓德

宮前過知是軒龍啓瑞年太子宮也

右掖籠燈半掩門對回 玄極已宵分遲迴暗記

絲綸語此語人間未遣聞

每夜燒燈頻草奏夜分直到 御前開中官門隙爭

傳遞知是南宮禮疏來

法駕前陳炬火開千官騎從出蓬萊勅使殿頭先授

簡拜冊 南郊當夜迴

星漢昭回夜景澄靈風不動燎烟疑遙望袞衣親奠

獻泰壇高處幾回登

黃氊設幄傍丘壇絳蠟金爐夜不寒袞黼纔臨催入

對樂章親製賜傳觀

春卿傳詔捧雲盤日照金龍繫綵竿十道使華嚙命

出萬方雷雨布恩寬

黃綾寫頌奏金鑿縟典新成際會難御筆已批留史

館又教抄在禁中看

奉和少傅桂翁郊壇喜晴 奉天殿捧詔

冬裡麗日輝晴晝聖主精誠信格天已向卿雲歌舜
瑞還將華嶽祝堯年皇風渾噩追三代陽德亨嘉進
衆賢獨有相臣分奠獻紫壇簪珮上鑪烟

奠璧南郊祀九成肇陳瓊冊薦鴻名萬方濺澤頒皇
詔五夜精裡竭聖情淑氣正隨葭管動日華先上袞
衣明殿頭鵠立知元輔親佐唐堯致太平

大享欣瞻聖典成惟寅愧忝秩宗名詔從廷授叨餘
寵詩得緘題荷故情繆隨鵷鷺顏方覩每奉瓊瑤眼
倍明豈意陋庸遭盛際與公親見泰階平

歲除日省中晚歸是日上手札曰諭秩宗有

光祿酒饌之賜

樓雪宮烟暮景斜手封儀疏未收衙 君王賜得辭
年酒助與椒觴夜頌花

御札十行勞賜諭秩宗三禮愧非才不知何語堪聞
聖疏對晡從閣裏迴

除夕家宴喜弟姪遠至

京華屢見流年換弟姪新從故里來乍覩別顏應自
喜細論鄉事轉堪哀盃浮綠蟻團欒坐花覆銀缸爛
熳開薄劣誤承 皇眷厚滄江空問釣魚臺

元旦賜長春酒并光祿酒饌

金山堂集 卷三詩
宮醪玉饌連翩送勅向天厨賜五臣酒出長春名本
異賜當元日寵尤新仙桃醉領東風暖豐草恩霑湛
露均願奉陽和同壽域還歌天保答皇仁

是歲己亥予賤生六十甲子矣感遇述情而作

此詩

幸到六旬初度日衆中吾亦白頭人濫隨鵷序升朝
父謾對椒花獻壽新樗榦豈堪爲巨室草心長許奉
陽春楚山風樹思親淚魏闕星霜報主身

禮部舊無朝房予疏請命工曹特建蓋異數也

落成春祀齋宿奉簡張蔡二寅丈

直廬新敞禁垣西宮月臨窓苑樹齊玉漏曙聞高閣
報碧梧春借上林棲殊恩正荷旃幪賜勝蹟須留歲
月題鵷侶同心俱雋望五雲簪珮得相携

玉樓金閣眩東西咫尺官城北斗齊峰遠雪雲迷夕
望庭幽鳥月伴寒棲遲迴省署年頻改惆悵春襟句
自題夙夜此身憂責在綠尊虛負碧山携

曉星殘月在簷西起望天街簇仗齊瑤雪靜含鵷鵲

影綵雲深護鳳凰棲南宮禮樂逢昌運上苑烟花續

舊題誰信燒燈催草奏每看堂印夜中携

扈蹕南巡自出京至在途蒙 恩賚諸物各恭

紀一絕以志榮感其酒饌牲品等物尤多蓋不能悉紀也

賜大紅羅飛魚服駕發日左順門宣賜

官羅五綵出天機錦浪神魚爛滿衣知爾乘雲露頭角便從天上赤龍飛

賜方袋銀瓢刀筋三事駕發日賜

芙蓉為畫錦為囊刀筋銀瓢摠繫將已是三迴露御賜每隨天仗佩恩光

賜壓袋銀錢安肅行宮賜大小十二文文曰嘉靖年造

御帑朝分壓袋錢白金新鑄倍光鮮五銖永作人間

寶四字今題嘉靖年

賜銀鍍金酒盃盛以沙金漆盤真定行宮賜

銀盃捧出競傳看色間黃金映赤盤長路風塵勞

聖念宮醪引滿不辭乾

賜御筆詩三月朔榮澤渡河御製七言絕一首書賜五臣各一幅

灑翰親承御榻前 聖皇初述渡河篇祇應百世藏

為寶此是南巡扈蹕年

賜梅蘇丸途中凡數賜

煉蜜調梅細作丸白凝霜雪盡團團馬上探囊時一嚼送得清香入肺肝

賜解勞湯

鈞州行官賜藥一裹
御題曰解勞湯

歷歷山川信所遭馬前塵土滿征袍服勞自是微臣
義藥裹深蒙 賜解勞

賜綵裝松竹梅鸞帶

綵裝鸞帶倍鮮華 面授行官拜寵嘉為最歲寒同
節操竹青松翠間梅花

賜畫面扇并象刻壽仙綴子

襄城行官賜

五明綵扇製還新象綴銀環價倍珍揮愛虞薰時解
愠捧看官月近隨人

賜花線絲并金相寶石提繫

承天賜

五紋絲線織條長金作條環七寶裝就中獨有猫睛
貴覷看中間一線光

賜磁器甌碗十二件

承天賜
舊邸所藏也

幾年陶器尚收儲拜賜 先皇舊帑餘捧持但覺恩
為重寶愛深知玉不如

賜御賚銀

途中屢賜白金二百兩餘此銀一錠計
五十兩鑄識御賚銀及嘉靖年製七字

書生未識籛金富 聖主多慚惠養私擬作他年遺
老計買山誰道更無貲

賜馬

承天賜

勅賜天閑玉鼻驛便教騎在 駕前行過都歷塊還
輕健疑有風雲足下生

賜笋尖

武當山中產形如指尖甚奇
上命中官特齎賜一包

解籜龍孫露玉尖分明生就指纖纖靈山異產天家
賜肉食那知此味兼

賜面衣

駕發承天賜拍鄉又賜

扈蹕初從江漢歸長途終日馬駢駢冰綃不受紅塵
沈謝得 君恩賜面衣

賜袖香

駕發承天賜
諭札曰用碎途中塵穢

龍腦修和集異方宮中熏奉 御衣裳自從分得

君王賜袍袖携歸不斷香

賜煙墩帽并金廂寶石帽頂一座

賜來大帽號烟墩云是唐王古製存金頂寶裝齊戴
好路人只擬是王孫

賜代衣銀

宜城行宮召對遇雨衣盡沾濕賜
白銀三十兩諭札曰用以代衣

造膝從容奉 密言晚來衝雨出宮門賜金為代衣
沾濕感德身同挾纊温

賜酒竹葉清真珠紅二品

御厨官酒出黃封碧灩紅香昔未逢共道 皇恩比
春色一分斟處十分濃

中丞顧公寄示長沙道中詩輒次韻答之

保釐風采重臺臣功在朝廷德在民筆底總持三尺
法湖南遙布萬家春盡捐厨傳無煩費還載圖書只
舊貧儒術由來須世用北山猿鶴可相嗔

賀序翁閣老新第落成

京國園廬三十載新堂今敞相臣居沙堤路迴回蓮
炬祭戟門高擁駟車握髮每延朝客坐濡毫時答
御函書甲棲地接堦除近几席追從日未虛

賀桂翁閣老新第落成

相國新開甲第雄平沙隄接鳳池東寶函龍札來天

上畫棟朱甍出霧中朝罷御烟攜袂繡吟餘花日上
簾櫳麒麟抱送天應眷看取千年社稷功

冬夜宴別彭太史使楚

別調參差絃上聲燕臺歲晚送君行寒星曙雪催程
遠玉節金書奉使榮宮錦駐輶家暫到楚蘭弭棹賦
初成未能便逐歸驂去猿鶴松關苦繫情

春日偶成

不知身事竟如何無限春心負薜蘿林岫鳥還知力
倦圃亭花發柰風多閒搔短髮從渠變每得新詩祇
自哦憑仗一生忠信力豈驚人世有風波

贈陳子器赴政和令

送君闔海去把酒意茫然邑小尤堪治才高誰為憐
武溪看罨畫黎嶺入風烟萬里遲雙鳥何年向日邊

二

二鳥來南國文章五色奇胡然滯遐舉分飛殊路岐
夜歌聞白雪春賞惜瓊枝薦禰慚無力空吟餞別詩

子器同弟子虛文學
並稱子虛今舉進士

符子太僕出守韶郡賦此以贈符子昔嘗作倅

於韶也

韶陽人吏拜旌麾為政風流記昔時新佩魚符稱刺

史重來竹馬候童兒花間露冕春行縣燭裏攤書夜
坐惟若見隴頭梅發處因題佳句一相思

過從未厭客長安誰道新恩阻舊歡他日故山還結
社清時榮路且彈冠猶憐寶劍橫秋水自許青松耐
歲寒垂老不堪仍遠別送君惟有勸加餐

贈王太常之南京

廊廟只今公望屬暫勞征旆過江東舊京禮樂仙曹
貴瀛海風烟別路重陵祀曉隨鍾阜月郊巡時掃泰
壇松送君憶我曾遊地惆悵因憐雪上蹤

奉和少傅桂翁閣蓮六花之作

九重城隔金扉路六萼蓮開玉井花羲畫正符陽道
秦越妝偏助賞心嘉簾虛翠蓋搖波影閣迥紅香近
日華珍重化鈞調燮在年年芳節瑞天家

儼山學士以漆鏤八仙盤見贈併侑以詩用韻
奉謝

燕肆雕盤價比珍多情投贈况佳人爲盛玉笋擎方
重細酌宮醪賞更新捧愛洞仙朝獻壽醉看歌席夜
生春他年綠野堂中物留伴詩翁後樂身

用韻奉酬儼山甬川二學士同年

杏園席上題名處晚歲登朝復幾人塵裏浮踪那可

定鏡中華髮自應新松當雪澗猶寒翠桃熟崑丘不
記春曾是十年江海別喜君重到鳳池身

鈴山堂集卷第十三

鈴山堂集卷第十四目錄

詩

聖駕幸承天發京作

扈從次涿州

趙州

彰德六言

扈從見道傍梨花

河上歌

恭和 御題漢江

恭和 聖製初閱純德山喜而自得有京

金山堂集 卷之五
長陵奉安 成祖尊號碑

扈從經九龍池

元日於 文華殿賜諭賜酒饌

送魏中丞之河南

恩賜麒麟次陸學士見贈韻

又次甬川張少宰

和宗伯託翁雨宿浣花草堂

記象入室事

偶誦姑蘇蔡九達詩寄謝

贈王侍御按閩中

送劉節推之本郡

白貞夫皇甫子安二郎中謫官詩以贈之

再贈貞夫

書奏吟

待朝鮮使臣宴

贊治堂賞蓮次席間韻

胡少叅汝茂自楚藩以詩惠寄用韻酬之

吳給諫出叅藩政賦贈

贈劉以道僉憲之閩中

龔母壽詩為諭德鳴治作

宮寮燕集詩

送華侍讀歸省

錢子中挽詩

早春送孫志高編修南還

送張濟甫提學

送曹際卿大叅

葉工部自南都來話舊述情

刑部揚郎中出守夔郡作詩贈之

贊治堂續賞荷之會有懷崔公後渠

鈐山堂集卷第十四

詩 南宮藁

升菴楊慎評點

聖駕幸承天發京作

禁城鍾動啓金扉鳳輦時巡出帝畿黃紙特頒都護
勅緋羅齊賜從臣衣祥雲捧日浮丹仗芳樹和烟隱
翠微遙想江湘歡父老 漢皇今覩沛中歸

扈從次涿州

此夕行宮駐六飛帳營星列滿郊圻雲峯積翠能隨
輦花雨含香故拂衣萬古風烟傳鹿野百年父老見

龍旂郢園陪從今 皇孝太覺甘泉賦獵非

趙州夜發

趙州城南騎火明鳳蹕鳴鑾中夜行揮鞭曉問邢臺
驛一日還過百八程

彰德六言

十載乘輶此路而今扈蹕重過渺渺山圍鄴郡飛飛
塵湧漳河

見道傍梨花

萬枝瑤雪倚風斜似浣明粧候 翠華日涉郵程春
已暮今朝初見馬前花

河上歌

大明八葉聖人生曾見黃河水至清千年襄漢榮光
起此日風雲大駕行
汾水衣冠若景從千春稀事此時逢洪波浴霧樓船
發白日中流翔赤龍
靈河西上遠黏天鳳舸龍檣入紫烟周王圖馬浮川
地漢主風歌入沛年

恭和 御題漢江

郢州城西流漢江浮天玉練隱波光流虹貫渚成皇
瑞飛鳳迴岡作帝鄉

恭和 聖製初閱純德山喜而自得有序

嘉靖己亥春仲我 皇上躬巡楚服至于舊藩之
邸乃三月十有四日壬午恭詣純德山之陽瞻拜
神寢畢乃循山之脊而東尋徑歷阜以周視陵脉
地形于時 上御龍騎臣郭勛朱希忠崔元夏言
及臣嵩皆騎以從但見宗岡隱起疊阜盤互如龍
遊鳳躍蜿蜒抱護風氣完萃金城萃鬱黃屋丹瓦
輝映於青松碧嶂之間信天造之吉壤也 聖情
孔怡喜而自得爰製五言古詩一章翌日出以示
臣等仰惟 皇上為 二親之重勤萬乘之尊計

視山陵履荆榛冒暄日而弗以為勞孝思純至誠
千古帝王所不能及者而惟茲純德之山我 先
皇帝龍藏之所安悅尊處幾二紀矣儲秀發祥顯
有徵應茲惟 聖斷慎重弗移蓋國家萬世無疆
之慶也臣猥以禮官叨預扈侍謹拜稽恭和而謹
叙其事庶幾備紀錄以貽于永世云

恭覽周神寢迴徑歷羊腸伊昔著嘉名兆稱天子岡
勢連嵩華遠水遶湘流長蟠互丘巒勝榮休王氣昌
龍藏忽二紀松柏皆踰墻上帝悅明德眷此受命鄉
惟盤壯南服允作萬世防慎固永弗移山祇告吾皇

鍾靈發禎應天定非人量河山巨終古孝德無遺忘
扈從謁長陵奉安 成祖尊號碑紀事十首亥

九月二十八日

文祖長陵壓厚坤萬峯騰躍此峯尊重磨琬琰刊鴻
號八葉皇家有 聖孫

縹緲仙城霄漢間鼎湖龍去若為攀岡頭宰木橋頭
水曾見金輿駐碧山

忽上高樓凌紫氛俯看松栢渺重雲金書特薦千年
號御氣長成五色文

六陵秋色到簷楹萬壑雲風動地生白日魂搖寒起

粟始知身伴赤龍行是日侍上登明樓

恩從幄殿對回深訓慰從容示玉音孤跡豈知勞

聖眷忠誠那敢替初心感思殿 召臣嵩獨入對上諭曰卿勉盡忠誠勿介意

人言嵩頓首謝

山南山北夜鳴鏡宿處星河傍紫霄飛將營門傳號
令赤旗千騎影蕭蕭

松曉露寒巖徑僻乘輿忽駕欲何之悼陵園廟秋峯

裏 聖主恩深一顧時廿九日 上召五臣入日往陳后陵一視

向夕鳴笳下翠峯玉驄騎出御園松塵沙百里行應

盡丹鳳城邊聞曙鍾上乘馬十里至紅門夜行達旦入京

金山堂集 卷之四
露裘風帽夜深寒玉輦前頭對據鞍詔許五臣披暖
耳陽和真藉 聖恩寬

甘泉騎火燭天來萬轂喧喧隱若雷玄武門開寒漏
徹都人爭候屬車迴

扈從經九龍池

九龍池上駐龍旂殿蘭宮鎖翠微日出綵霞籠瑞
氣霜迎黃鉞肅天威雲中蘿逕千盤合谷口風泉百
道飛塵跡此中難可到况陪仙蹕奉恩輝

元日蒙召五臣於 文華殿賜諭賜酒饌於殿

西廂霑醉而出恭述四絕

元日首頌 元聖諭寶函擊出殿中開承恩特賜宜

年酒拜舞瞻天却舉盃

今年春日薦春觴共沐恩光近御床頌擬椒花堪獻
歲心同葵萼總傾陽

起草殿廬催入對喜看春色在揮毫寒消墨沼龍香
潤日上舩稜鳳闕高

聖主履端膺萬福起居先遣近臣知正朝雲物偏佳
勝試筆先裁祝聖詩

送魏中丞之河南

星輶建節赴南河嵩嶺橫雲洛水波闕下絲綸親捧

詔澤中鴻鴈久興歌清霜更助臺威重化雨能敷聖
澤多此去願紆宵旰慮待歸鸞掖共鳴珂

恩賜麒麟服次儼山陸學士見贈韻

宮衣擎出聖恩新雲錦輝裁五色麟敢以軒裳誇物
采極知魚水喻君臣文明有象方呈瑞和氣攸鍾本
配仁犬馬此身難報稱祗將周嗣詠振振

恩袍草色照人新組繡驚看一角麟命服故應旌上

德寵光何意及微臣馴遊自昔徵王瑞衣被終身荷

聖仁留與南宮傳盛事後來名德價逾振

為後賢
作始云

部卿前無
賜麟者茲

又次甬川張少宰韻

淺薄何堪眷遇隆繡麟分出賜袍紅周郊遊處禎祥
集殷筭頒時品式崇豈有文章裨聖治直於奔走策
微躬推衣未報 君王惠結綬徒希國士風

和宗伯託翁雨宿浣花草堂

卧聽西巖風雨生草堂蕭颯一燈明並枝宿羽深愁
濕透竹飛泉倍覺鳴仲蔚蓬蒿迷宅徑少陵花鳥入
詩情不知此夕陽春句誰和朱絃曲裏聲

記象入室事

仲春望夕陪祀宿內舍忽風象折戶突入卧內號

金山堂集 卷之四
叫躑躅勢甚危惡予默坐念程伊川渡漢江事良
父象人來拽之以出幸以無恙因記于此

獨宿直廬逢象鬪忽來入室遶床鳴平生危險更嘗
通事合驚時亦不驚

猛象咆哮君合避只須屏息坐帷中漢舟幾覆心無
怖記取程家主一翁

予昔卧痾鈴山有終焉之志矣既而復玷朝籍
不自意叨竊至今偶誦姑蘇蔡九達往年爲
予作鈴山堂詩有他年玉帶歸山靈喜無媿
之句感念其情因紀一絕併寄謝蔡君

病骨那堪玉帶圍在山心事出山違中郎有句能成
識泉石他年待我歸

贈王侍御按閩中

斧鉞下南天登艫望若仙觀風臨海嶠執法動星躔
遠道佳眠食當塗賴俊賢濡毫多逸興寄我武夷篇
送劉節推之本郡

遙向宜陽郡行瞻翼軫星雲程催逸駕霜刃發新礪
杭稻垂山郭柝楊臥訟庭送君鄉思集想見故山青
白貞夫皇甫子安二郎申謫官詩以贈之

二子南宮彥輝連瓊樹枝赤墀鳴玉地粉署握蘭時

金山堂集 卷十四 七
佐郡才何屈登途意轉遲臨分贈長劍持此慰相思
再贈貞夫時甫遷官秩遽有左官之命

聞禮稱才子含香作正郎所期趨鶴禁何意別鷓行
郡古山橫翠亭秋樹帶霜中朝昆季在宵夢憶連床
書奏吟

書奏南宮夜孤忠祗自憐此心惟報主何語可回天
鴛力衰年後鴻儀遂古前誰知避人吏撫枕一潸然

待朝鮮使臣宴

文軌通函夏衣冠捧御筵萬方來貢日四海太平年
湛露承堯酒薰風被舜絃濫陪欣頌賞竊吹仰鈞天

二

御醴傳銀甕宮花剪絳羅夾衢陳警衛當席擁笙歌
化洽提封遠恩霑賜宴多還聞使臣語東海不揚波
贊治堂賞蓮次席間諸學士韻各一首

南省清芬雨露邊徵歡來賞后池蓮即憑酒盞消炎
日最愛花枝拂曙烟名籍早爲同榜客衣冠齊列大
羅仙蕙葭顧我空形穢愧倚臨風玉樹前

右次詹事陸公儼山

向來雲臥鄴城邊纔得君王賜炬蓮誰擬著書忘歲
月尚看揮翰落雲烟舊栽桃樹非前主新着宮袍是

金山堂集 卷之四
謫仙馬首獨歸情脉脉為君惆悵晚花前

右次少詹事崔公後渠

春藕移栽近日邊
花開不數越溪蓮
光搖玉簟清無暑
香逐金爐煖帶烟
興至故應忘主客
官閒真得似神仙

懷賢合作甘棠看
又落風神夢覺前
蓮為公署部印時所

也種右次太子賓客張公甬川

盆池仙萼傍南宮
綠樹涼生滿院風
勝日琴觴邀上客

清朝簪組盛群公
近人海鶴間過砌
多事園蜂競

遶叢暫喜近來曹
務簡不妨相勸醉
顏紅

右次少宗伯張公陽峯

胡少叅汝茂自楚藩以詩惠寄用韻酬之

郢上春逢今忽秋
年光真共水東流
芙蓉遠道能相贈

瓊玖清詞不易酬
觴對鶴樓江自遶
文題蘭省石

還留期君共結明
庭綬未向關河嘆
阻修君為精膳時嘗立石

題名為文以記

自笑茆齋映雪人
謾披陳蠹學經綸
幸於禮樂逢

明聖豈有文章動
縉紳秉燭夜堂還
草奏攬衣朝閣

更迎賓南宮故舊
勞相問潦倒風塵
白髮新

吳給諫出叅藩政賦贈

紫薇旌節旬宣地
青瑣衣冠侍從年
吳苑晝遊人似

金山堂集 卷中詩 九
玉楚帆西上水如天子牟戀闕江湖遠召伯留棠惠
化傳題柱盛名今不淺海邦新勒使夷編君奉使朝鮮其所著
作國入刻梓以傳

贈劉以道僉憲之閩中

南徼持風紀中臺輟俊賢拜恩分雨露執法動星躔
九派揚帆外三山攬纜前威傳風偃草操凜月行天
邪畏神羊觸喬懽谷鳥遷列城皆獲傳遙夜尚窺編
候館明丹荔靈峯肅紫烟舶通溟海客筵會幔亭仙
未厭飛蓬遠惟聽薦藁先臨分贈長劍揮手帝城邊
龔母壽詩為諭德鳴治作

錦誥銜恩重青鸞送喜頻馳榮逢聖代獻壽及佳辰
才子當朝彥宮臣簡命新龍頭魁殿選鰲禁得儒珍
辛苦熊丸訓芬芳俎豆鄰關睢稱婉德蓂葉咏宜人
年喜稀齡屆天於景福申仙丕凝露菊家饌膾江鱗
愛日情彌愜瞻雲意轉頻裁詩寄南極遙祝鳳池濱

官寮燕集詩

孟冬廿一日集燕詹府之堂卿保而下三十有三
人皆官秩也尚書霍公實為之主大宰許公首倡
紀會之作予輒嗣和焉

官城佳氣鬱蒼蒼八座華裾照羽觴夏室謳歌歡有

金山堂集 卷之四
玉楚帆西上水如天子牟戀闕江湖遠召伯留棠惠
化傳題柱盛名今不淺海邦新勒使夷編君奉使朝
鮮其所著
作國人刻
梓以傳

贈劉以道僉憲之閩中

南徼持風紀中臺輟俊賢拜恩分雨露執法動星躔
九派揚帆外三山攬纜前威傳風偃草操凜月行天
邪畏神羊觸喬懽谷鳥遷列城皆獲傳遙夜尚窺編
候館明丹荔靈峯肅紫烟舶通溟海客筵會幔亭仙
未厭飛蓬遠惟聽薦藁先臨分贈長劍揮手帝城邊
龔母壽詩為諭德鳴治作

錦誥銜恩重青鸞送喜頻馳榮逢聖代獻壽及佳辰
才子當朝彥宮臣簡命新龍頭魁殿選鰲禁得儒珍
辛苦熊丸訓芬芳俎豆鄰關睢稱媿德蓂葉咏宜人
年喜稀齡屆天於景福申仙丕凝露菊家饌膾江鱗
愛日情彌愜瞻雲意轉頻裁詩寄南極遙祝鳳池濱

官寮燕集詩

孟冬廿一日集燕詹府之堂卿保而下三十有三
人皆官秩也尚書霍公實爲之主大宰許公首倡
紀會之作予輒嗣和焉

官城佳氣鬱蒼蒼八座華裾照羽觴夏室謳歌歡有

子虞廷入拜佇惟良筵開玉署蓬瀛裏地切金莖雨
露傍廊廟衆賢今彙進 帝圖皇曆自遐昌

古松寒柏對青蒼地主高情勸累觴聖世鳳麟爭睹
瑞崑岡輿璧總稱良門臨玉澗來天上樹擁金隄近
席傍淺薄豈堪塵寵秩也陪星履躡文昌

起瞻東震氣逾蒼盛會難逢更盡觴馮翼願同周士
吉股肱惟藉舜臣良晨趨劍佩鑪烟上晝接威顏黼
座傍少海前星占國瑞天長地久祝時昌

送華侍讀歸省

渡江汀草發春色近庭闈况是神仙吏遙從霄漢歸

泉聲間伶吹花氣襲宮衣舊日觀書處雲窓在翠微

錢子中挽詩

抱志豈不廣其如值數竒山陽舊行處鄰笛使人悲
素簡留丹篋新花發故池何因慰溟漠拭淚一題詩

早春送孫志高編修南還

將母承俞詔還鄉羨晝遊草新迎擁傳波暖待維舟
忠孝傳家世文章軼俊流尚書遺烈在恩露滿松楸

送張濟甫提學

學憲從來重君當拔擢新簡書還自畏鉛槧轉須親
秉燭儒臺夜停車越水春要令全浙士文體盡還醇

送曹際卿大叅

楚楚今藩伯星輅去若仙名高稱吏部境勝入湘川
江靜深含綠峯晴迥帶烟旬宣多惠政要使遠人傳
葉工部本道自南都來話舊述情因有此作錄
似葉君并寄謝南都諸故舊

吏散長安日杜門故人相見斲開尊人情棘上青蠅
變身事池邊老鳳蹲閱盡世途惟自信別來幽抱可
誰論留都知舊勞相問渭樹江雲入夢魂

刑部楊郎中精于醫術嘗已予疾於艱亟茲出
守夔郡作詩贈之

共誇刺史專城貴爲惜佳人萬里行朝發薊門催驛
騎暮經巴峽聽猿聲名山采藥烟霞迥燕寢凝香几
牘清衰病藉君留不住青精黃獨倍關情

贊治堂續賞荷之會有懷崔公後渠次韻二首

畫省新荷綠滿池露紅重發最高枝因攀上客勞軒
蓋更續前題感歲時坐近風香開翠幌飲留霞色對
瓊卮妨賢此地能無愧回憶滄洲意轉遲

地靜宮城傳午漏樹深齋閣引涼颼還拚劇飲追河
朔每誦高唫出鳳池瑞露乍凝金掌重仙歌欲度綵
雲遲美人南國遙難並折贈無因寄所思

鈴山堂集卷第十四

